

cessu Iupiter à principio Arietis, & nouum hoc fidus à poli stella reperiatur ac rursus in pari propemodum alitudine ab ecliptica atque est latitudo nostræ regionis 32. gr. scilicet. Maximum verò, quod sit in præcipuo puncto totius cœli, in contactu & nodo Galaxiæ circuli, & coluri, qui per æquinoctium veris incedit, id est per principia Arietis & Libræ dirimens dextram cœli partem à sinistra non minus quam æquator superius hemisphærium ab inferiore, & leges tum humanæ, tum diuinæ rectum ab obliquo, errorum tenebras à veritatis ac iusticiæ luce distinguunt. Credibile est itaque totam spectare ad axim & cardines mundi, cum ad illos habeat exactissimam symmetriam. Fiunt autem & rerum maximæ metamorphoses Sole ingrediente principium Arietis vel æquinoctium vernum sub 11. Martij: quo tempore vel Hipp. teste agitantur humores, & spiritus vniuersi, vnaque cum ipsis partes singulæ mundi minoris atque maioris. Eodem puncto totius orbis prima fuisse cunabula omnes philosophi suspicantur.

*Non alios primæ crescentis origine mundi.*

*Illuxisse dies, aliūmue habuisse tenorem.*

*Crediderim. Ver illuderat. Ex Georg. 2.*

Quare & ex illo antiquitus rectè annorum circuitus numerabant. Si quis autem diligenter obseruet in astronomico globo, stella hæc adamussim ab æquinoctij puncto distat gradibus 60. id est per sextilem radium, à quinto Capricorni per quadrantem.

Plura qui volet, rem superstitione potius quam utiliter quærens, is & Eclipsim præcedentem & cometem anni 1559. & chasmata cœlo visa saepius cum portentis alijs infinitis ad statum præsentem comparet. Idem quid Sol promittat (si qua hinc naturalibus fides) ingressu suo in proximum ver in Arietem & Taurū dodecat. Martio & Aprili mensib. presertim accedēte paulatim